




編印緣起

我國之邊疆包含國防、界務、邊地之開發，以及語文宗教習俗各異之蒙藏維哈及其他各種宗族間之問題，其關係國家之安危極爲重要。清初百餘年間，對邊地採取封禁政策，遂使邊腹阻隔，情誼鮮通。道咸以降，西力東漸，我以疎弱最甚之一環，當列強侵略最激之要衝，國土日蹙，邊事日棘，胥由於此。

本社有鑒於邊疆問題研究之重要，復以戰亂播遷，文獻散佚，因有發刊邊疆叢書之計劃，特約請廣祿、李學智、歐陽無畏、李毓澍諸先生，並商定由李毓澍先生任主編。分就蒙古、西藏、新疆及東北各省區，挑選有關重要典籍，分輯陸續刊印，並擔任各書之簡介批評。其有手稿、珍本、孤本或鈔本，更多方由海內外設法蒐集，擇尤景印，以廣流傳。

今第一輯十六種，業已印齊，承蒙海內外讀者雅愛，惠予預訂，本社至深緬感。惟羅家倫郭寄嶠兩先生以公務繁忙，原惠允賜撰序文，稍有延緩，本社以讀者預約在先，未敢再事延期，僅先裝釘若干，分別郵寄。總序印就後另函寄奉，尙乞諒察。

影印「新疆圖志」序

李毓澂

新疆之有省志，自前清新疆巡撫袁大化於宣統三年所創修之新疆圖志始。書凡爲志二十九有，共一百十六卷。今影印選用民國十二年東方學會增補校正本。

新疆圖志之創修，袁氏序文謂：宣統元年因民政部之奏請，詔命各直省纂修通志，以爲推行新政之法戒。而新省任斯役者，先後編纂，新疆藩司新城王樹枬實基其始，候選道文水王學曾實集其成，而一時協纂分纂若劉文龍鄭履亨等，亦頗多博雅淹通之士。自開局創修以底於成，凡歷三年。其取材自翊曰：「漢唐以來前賢所經劃，開省後左文襄陶勤肅以教以養諸方略，均於志書是載」，慨然欲以志書之成，以爲新民享治之權輿。

吾人試就圖志中之國界、交涉、建置、藩部、食貨、奏議諸志，所蒐集之繁富。實可謂爲集研究新省資料之大成。以地處西僻，志乘闕如，竟於清末政風衰頹之際，三年中淑斯巨帙，當事者任事之篤，用力之勤，誠有足稱者。

是書復有二端：一、志與圖併重，若山脈、水道、城堡等，均各繪成輿圖，附志併行，以助閱覽。二、記述徵引前書，皆注明出處原文，其取材各府廳州縣鄉土志，亦分別標明，此皆別創新例，不襲故常也。

中華民國五十四年十二月十五日序於臺灣省臺北縣南港鎮

十	疆	重
六	圖	校
卷	志	訂
	百	新

印	補	本	學	歲
卣	天	重	會	癸
局	津	校	據	亥
印	博	正	志	東
行	愛	增	局	方

新疆圖志序

尙書備四代之治術而禹貢一篇獨詳言山川土壤物產田賦諸端爲志書之始太史公以下用其體例爲八志十書爲分類之始分類愈夥攷覈愈精及宋鄭樵作通志又合上下古今爲專書非奢陳盛美蓋非是不足以資攷鏡也至

國朝徐健菴韓慕廬諸老爲

大清一統志嗣是而省府州縣莫不各有其志琅琅炳炳抒山川之噴鬱發土壤之精神表物產之精良陳田賦之豐嗇固非誇新鬬富良以攷獻徵文必純必備君子欲有造於斯民其所以勸善懲惡課勤教忠者必如是而後卽安不如是則措施未盡也然新疆一省獨以僻居西域棄爲歐脫志乘闕如識者憾焉夫以風沙戈壁隔絕腹地至數千里而遙冰嶺雪峯道途阻絕殫飫飲渾風俗詭奇雖自古稱兵力之強開拓之廣如漢武帝元世祖者猶以其叛服靡常羈縻一時終歸棄置惟我

朝

列聖相承秉

堯舜之仁明恢

禹湯之征伐然亦畏威懷德二百餘年至光緒初葉始得而郡縣之言語不通文字各別宗教嗜好之攸殊攷土人之故實初無所謂文獻遑論足徵則不能遽議及於省志固亦理勢使然不能尤前賢之未經計及也惟是天地之光華積久則奮發文章之精采萃薈則昌明惟新疆僻處西陲元朔以來聲氣已通中國舟車既至著述斯興凡一千八百年間史家所紀載遊旅所發明見羣書者無慮數千萬言但經旁搜遠紹擇精語詳固可裒然成帙惟未至其時則不章不遇其人則弗集書生退掃間軒成爲一家言猶非偶然所能幸致矧欲濡墨放筆舉數萬里數千年之事一一筆之於書以爲後人法戒夫豈無自而興哉歲己酉爲今

上龍飛伊始振靡起弊咸與維新於是民政部臣有

詔諭各省纂修省志之請得

旨俞允星輝雲燦雷動風行一時著作之才莫不吐氣伸眉揚風
屹雅出而大鳴其盛以鼓吹乎

休明庶歌乎

盛治惟新疆遠在沙漠通才碩學至者甚稀省志之成已難期必
且各省均舊有通志纂修之舉事出於因而新疆圖志則明義開
宗胚胎元始必欲夏夏獨造能爲經世之書甚非樞昧所敢深望
而不謂設局三年竟能蕆事且共爲志二十九種計書一百一十
六卷約二百餘萬言雖未能義蘊精深規模宏遠然附於作者之
數以參稽乎得失之林亦足爲邊才之宏助夫豈始願所及料哉
蓋是役也先後編纂者新疆藩司新城王樹枏實基其始候選道
文水王學曾實集其成而一時協纂分纂亦頗有博雅淹通之士
用能不費時日以成炳蔚之觀大化司鑒定之役得以參酌其間斯
亦生平快事焉嗟夫新疆自漢唐以來前賢所經畫者多可奉爲

主臬卽開省而後如左文襄陶勤肅諸先輩以教以養方略所存亦卓然師表也而均於志書是載則斯志之所關繫豈尋常政策之比乎乃自國家多事以來當軸者匪先民是程每欲取諸友邦之政法參伍而互用之其用意未嘗不厚而或身未嘗出都門識不足語通變舉千奇百出不可畫一之民俗而一以成法繩之之無甫識遽責閔通榛狂初開卽期明備創足而使適屨吾恐屨未適而足且先病人之稱是政也其謂之何今是志之成雖以荆始之難紀載不無掛漏睹聞或有未周然使來官斯土者齋置一編竟日瀏覽則於新省之風土人情事物曲不難得其梗概以明乎緩急之序而審乎輕重之宜於以出身加民藏器效用圓鑿方柄北轍南轅之弊由此其免矣是故禹貢者史家作志之權輿而是志則又新民享治之權輿也若夫取材考据專務高華寫景山川徒供嘯詠抑末矣卽非^{大化}所重於斯志之意也是爲序

宣統三年歲次辛亥嘉平月上澣撫新使者渦陽袁大化謹序

凡例

一是書圖志並重不敢偏重於志而畧於圖非欲固爲繁縟因幅員廣漠延袤四百五十餘萬方里使無圖以總攬大綱則讀者有前得後忘之弊是用不厭求詳以豁閱者之目

一是書出於創作最忌傳訛且土著種類繁多如纏頭甘回蒙古哈薩克布魯特安集延赫赫之屬風尚本已奇譎若更據傳聞異詞者隨便攔入則枚乘筆談無異齊諧誌怪故甄風攷俗無不證諸前史一二近今所得者亦必目有所見然後列入不敢以耳食者當之

一各圖所詳專以與各志有切要關繫者爲重如山脈圖則注重山脈水道圖則注重水道其他附列圖中者雖隨其方位並列之而點綴故從其畧非敢希圖省筆欲閱者一覽通曉不致失於淆混也

一各圖有所專屬眉目始可清朗故於每圖之下則必載明屬某

某志而卽以是圖訂於是志以後俾閱者瞭如指掌至於禮俗則刁羊誦經及一切服飾器用物候則草木蟲魚及各項均當列於圖品者因事涉繪畫姑從畧之

一各志體例不同有用古書體例者有不用古書體例者各隨其實事標識之所宜以定其宗旨不敢專摹古雅轉成深晦亦不敢失之蕪穢不耐研尋閱者鑒諸

一各志記載攸關凡得之前書者必詳舉原書附考於下雖採取之各府廳州縣鄉土志及各項公牘者亦必標題清晰非僅求不掠人美蓋必如是而來歷分明近足以徵信當時遠足備後來攷證也

一是書分類較繁則分纂諸家甚衆而服官於此者復居多數有初稿甫定卽行奉檄他出者有甫成半稿經後賢接續者有一志數門分員編纂者雖經諸總纂所酌易亦各隨其識略刪潤之誠不至琅玕瑛珉妍媸屢雜而金玉俱爲珍品尙黃尙白則

光采攸殊閱者諒之

一是書始事於己酉春三月而卒事於辛亥冬十二月門類淆雜卷帙繁多而纂修刪改讐校排印裝訂刊誤事體至爲煩重而時期又復短促以致在局各員雖昕夕將勤仍恐不無疏畧且排印較諸刊版則失之釘鉅魯魚亥豕尤易滋訛閱者諒之

新疆圖志纂校銜名

總裁

新

疆

巡

撫臣袁大化

總纂

前

新

疆

布

政

使臣王樹枏

奏派辦理新疆通志候選道臣王學曾

總辦局務

前

新

疆

布

政

使臣王樹枏

前新疆兼提法使銜鎮迪道臣榮霈

新

疆

布

政

使臣陳際唐

新

疆

提

學

使臣杜彤

新疆兼提法使銜鎮迪道臣楊增新

協纂

新

疆

候

補

知

府臣郭鵬

新疆候補同知臣李晉年

提調局務

前四川西充縣知縣臣劉鴻烈

分纂

前新疆迪化府知府臣劉文龍

前五品警官臣鍾鏞

新疆候補通判臣劉人傑

新疆婁羌縣知縣臣錢汝功

新疆綏來縣知縣臣鄭履亨

新疆即用知縣臣段永恩

前新疆綏來縣知縣臣文篤周

新疆候補知縣臣楊茂春

前廣東東莞縣知縣臣華承謨

新疆改用知縣臣徐仁鑑

新疆候補庫大使臣嵇應瑞

新疆候補知縣臣孫逢辰

新疆試署高等檢察廳檢察官臣魏承耀

新疆試署地方審判廳推事臣郭祖雍

考職候補州判臣張得善

前呼圖壁縣丞臣彭懷智

考職候補縣丞臣張錫壽

考職候補府經歷臣田桂萼

考職候補縣丞臣張映川

考職候補縣丞臣馬服麒

江南高等學堂最優等畢業臣朱清華

湖南廩生臣陳阜鈞

總校

新疆候補知府臣郭鵬

詳校

新 疆

候

補

知

縣

虎文炳

新 疆

候

補

知

縣

武善述

新 疆

候

補

知

縣

郭璘

分校

新 疆

候

補

府

經

歷

李華

新 疆

候

補

府

經

歷

趙清泉

新 疆

候

補

巡

檢

杜國楨

新 疆

候

補

知

縣

周傑

新 疆

候

補

從

九

品

王榮甲

陝 西

西

廩

生

劉照

新 疆

候

補

從

九

品

王煥章

新 疆

候

補

縣

丞

趙杰榮

繪圖總理